



職方典第九百七十九卷

寧波府部彙考五

寧波府祠廟考二

府志

定海縣

社稷壇在縣城西北一里壇高三尺東西二丈五尺南北如之四出陞各三級繚以周垣埋石
北向社右稷左題曰縣社之神縣稷之神壇下地南一十二丈東西北各五丈 風雲雷雨
山川壇在縣城西一里壇制與社稷同中列風雲雷雨之神左山川右城隍壇下地南十丈東
西北各五丈 邑厲壇在縣城外西北一里築土爲壇祭則迎城隍以主之左右設寒林所
里社壇卽今土穀神祠 鄉厲壇每里有壇如里社之制久廢 城隍廟在縣東南城邊
後梁貞明三年建元至元二年重建明洪武四年知縣杜彬廣其址重修

皇清康熙九年知縣王元士重建

本縣土地祠在縣治之東

旗纛廟在縣東北二里今廢

表功廟在縣東半里祀明信國公湯和後合祀宋張世傑

文昌祠在縣北一里梓蔭山明

萬曆間建

治水判官黃公祠在縣西北靈緒鄉武功村古有和尚塘蛟穴其下屢築輒壞

宋淳祐八年制置使章大淳命浙東轉運判官黃恕董築恕聞術者言蛟避生人陽氣投以人則塘可就恕卽以身并所乘馬投蛟穴遂告成功已而其屍并馬浮出事聞於朝勅建祠祀迄今報賽 海道副使譚公祠在縣東二里祀海道副使譚綸 都督俞公祠在縣東半里

鎮遠門內

都督盧公祠在縣東北一里

沈公祠在威遠城內祀郡守沈愷

報恩

祠在南薰門外明萬曆四十七年建祀巡撫劉一焜巡鹽御史李邦華海道副使秦道顯知府楊鍾英知縣王本祥 楊公祠在縣東南一百二十里祀兵巡副使楊瑄 廣靈王廟在

縣西北三百步小南門內祀晉鮑蓋

薛公祠在縣西富德街一名靜波廟世傳唐薛仁貴

征遼道經於此因立行祠祀之

卞公祠在縣東北招寶山下元至正間朝列大夫卞憲痛

父樞密承旨卞良輔死事立祠祀之

完者都元帥祠在縣西北隅

雲霄三公廟在縣

東南八十里海晏鄉遇旱禱之輒應

助海顯應侯廟在縣西半里孝門巷世傳象山孔七

渤海托夢劉贊曰上帝命爲境神贊爲立祠

覺海威顯侯廟在縣南十里崇丘鄉舊稱山

仙廟宋高宗航海賜今額開禧二年修建

廣德王廟在縣東北巾子山西宋紹興間改爲

淵德觀

昭利廟在縣東北三里宋宣和五年路允迪傳墨卿出使高麗涉海有禱因而建

廟

忠應侯廟在縣南十五里陳山下祀海神舊稱陳相公廟

海角廟二一在縣治西

祀海神一在縣南十五里小浹港嶺上

洋山廟在縣東北半里儒學西唐大中四年建

龍王廟在南薰門外別有廟在威遠城內名海神祠

晏公廟在縣西一里祀海神世傳治

水有功別廟一在清川門外

靖海營祠在縣東北城外一里舊名海神壇明正德十四年

改祭江亭嘉靖三十八年鎮守都督盧鏜展營堡環二百四十丈增建舍宇六十餘楹爲祀海

神之所因名靖海營祠

壓賽廟在縣西五十里宋德祐間陳茂以死勤事鄉人義之立祠

以祀元大德中重建

馬王廟在縣東門外招寶山下祀天駟房星

象山縣

社稷壇在縣西彭姥嶺下

風雲雷雨山川壇在縣西南半里

邑厲壇共三十一所

里社壇共三十二所今廢

城隍廟舊在縣西東岳廟前後遷縣東簪笠山下

土地祠

在縣治二門左西向

普濟廟在縣東南十五里祀五龍神

忠烈廟在縣東北四十里

祀明千戶易紹宗

顧長官祠在邑中市祀顧方

謝先生廟在縣西四十里五雷山下

乃謝寶所生之地

白鶴廟在縣西南二里鷄籠山東麓祀漢趙炳

靈濟陳元帥廟在

縣西南二十五里元帥宋丞相宜中從子少負勇略拜議郎理宗時屢立戰功擢大元帥德祐中端宗航海而南元帥扈從舟次象境金井灣得暴病臨卒謂左右曰吾世受宋恩生不能報死當爲厲鬼殺賊遙向帝舟叩頭長慟而逝遂葬於姥嶺之麓因立廟祀之 凌令祠在縣

東二十五里凌名傳障海爲田民德之因立祠祀焉

蔣令祠在縣治前十步許祀明季知

縣蔣三才

景止祠在縣治西北係吳允裕特祠

王御史祠在李家巷街北

王參

政祠在繡衣坊街北祀王樞

周侯祠在昌國衛經歷司之左

主山昭應廟在縣治北

舊廟在象山圓峯下神則山靈也唐會昌間一日亭午有瓦自舊廟飛至今廟處乃姜氏祖塋所邑人姜阜異之遂捨墓側地倡衆遷焉 姜毛廟在縣中市二神鄭賈人買於象市價不

二衆稱公平及卒立廟祀之一日鄰火四起衆見朱衣者從殿上飛瓦下火遂滅又有一人泛

海遇寇呼神卽得脫民因扁曰護國庇民

寺觀附

木府 鄧縣附郭

天寧禪寺在縣治西惠政橋北唐大中五年建始名國寧寺宋崇寧二年改崇寧萬壽政和二年改天寧萬壽紹興七年改報恩光孝後又名天寧報恩元至元十九年燬至治元年重建明洪武永樂宣德正統景泰成化中相繼重修 延慶講寺在縣治東南日湖中後周廣順三年建名保恩院宋至道中眞宗改爲延慶寺明洪武四年重修成化三年建能仁堂於羅雲堂西南隙地萬曆中重修

皇清康熙戊申重建

萬壽禪寺在縣治南大梁街唐咸通十三年建賜額惠燈宋開寶八年重

建太平興國七年改崇壽政和八年改廣慧建炎嘉定累燬累建

寶雲講寺在縣治西南

行春坊東宋開寶元年建名傳教院太平興國七年賜額寶雲建炎中燬嘉定中重建元至大中又燬至元間重建明洪武永樂弘治相次重修 白衣講寺在府治西北舊在府治之內

唐長興元年建號淨居報仁院俗呼白衣觀音院清泰二年爲淨居後加報仁二字宋治平元年賜白衣廣仁額建炎四年燬重建元至元十九年又燬復建明洪武三年徙府治之西北永樂天順嘉靖中繼修 崇教寺在府治西南舊名甲乙院唐乾符元年建宋大中祥符元年賜今額建炎年間燬紹興二年重建元至元明永樂嘉靖年間相次修建 壽昌教寺在府治東南舊名西壽昌甲乙住持院宋乾道間建嘉定十三年燬元至元二十五年重建大德元年重修山門明洪武宣德中皆相次修

皇清順治十年康熙十五年重建 天封講寺在府治東南唐萬歲通天中建宋大中祥符三年改今額建炎間燬紹興十四年重建元至元泰定至順明永樂嘉靖成化代加增修

皇清順治康熙中皆重修 廣福禪寺在府西南握蘭橋西漢乾祐二年建號羅漢院宋太平興

國十年賜今額後圯明宣德間重建成化間復建 天童弘法禪寺在府東六十里太白山

之東舊名天童山景德寺晉永康中師義興禪定於中時有童子日給薪水久而辭曰吾太白神也上帝以師篤道行特遣侍左右語訖不見故稱義興爲太白禪師唐開元中建多寶塔宋

淳熙五年孝宗賜書太白山四字元大德三年重建賜名乾元寶閣萬曆十五年大水湮沒
崇禎四年重建

皇清順治十六年重修

育王禪寺在城東五十里阿育王山下舊名阿育王廣利寺晉義熙元

年建梁武帝賜阿育王額宋大中祥符元年賜名廣利

皇清康熙前壬寅重修

補陀禪寺在城東三里原係昌國東海梅岑山寶陀寺唐大中間日本

國僧自五臺山得觀音瑞相欲返故國舟抵新螺礁謬禱曰使我國衆生無緣見佛當從所向
立精藍有頃舟行竟泊於潮音洞下明洪武中徙建棲心寺舊址永樂宣德天順中重修

仗錫禪寺在城西一百二十里奉化餘姚上虞嶺交界唐龍紀元年建立宋寶慶元年勅賜仗
錫山延勝院額明永樂三年燬於火重建正德間廢復修 大慈禪寺又名教忠報國在城

東六十里大慈山宋嘉定十三年建明洪武三年燬五年重建嘉靖間再建 金峨禪寺在

城東南八十里梅溪里金峨山唐大曆元年建舊號羅漢院宋治平元年賜金峨山眞相寺額

明洪武宣德成化正德皆重修嘉靖二年改建升於山麓

海會禪寺在城西三里元延祐

六年建海會庵至正二年改爲寺明洪武二十三年重建三十一年復建舍利浮圖永樂中修
皇清順治間重修 保福禪寺在城東南七十里大梅山舊傳漢梅子真隱處唐貞元十二年僧

法常初建號北蘭院又名荷衣院大中元年改報國仙居宋大中祥符三年賜大梅山保福額
淳熙十六年重建元至正間燬明宣德三年重建

皇清順治中重修 寶巖講寺在城西南五十里舊名孝義院唐元和十二年建宋大中祥符六
年賜今額元至正明永樂成化嘉靖萬曆中代加修建

皇清康熙十一年重建方丈 彰聖禪寺在城西南七十里舊名峒山院唐光啟中建宋大中祥

符元年賜名彰聖甲乙徒弟院嘉定二年改賜彰聖寺額元泰定至正明永樂宣德正統相次
修建 天井禪寺在城西南六十里宋建隆元年建始號天井院治平元年改賜天壽額明

洪武初仍名天井寺正統崇禎間相次修建 看經教寺在城西南十里宋治平二年賜名

普照明改今名久圯成化元年重建正德間重修 延福教寺在城東南二十里唐大中十

三年建名天王院宋治平元年賜今額元至正間圯明景泰成化萬曆間重修

皇清順治八年重建康熙十五年又重建

資教講寺在城西三十里舊名廣德院周顯德元年

建宋端拱元年重修治平元年賜今額明洪武景泰中重建

常樂講寺在縣南二十里宋

治平間建建炎間圯元至正重建明正統中鼎建

保慶教寺在府東南八十里舊名保慶

院唐乾寧元年建宋大中祥符元年賜法慶寺額明洪武初改名保慶永樂七年重建

翠

山禪寺在府西南十里唐乾寧元年建舊名翠巖境明院宋大中祥符元年賜寶積禪院額嘉

定四年賜翠巖山移忠資福額明嘉靖三十五年復建

聖壽教寺在府西南六十里唐咸

通初建宋太平興國初賜額建炎間燬紹興間重建

西壽昌寺在府西三里篠牆北宋咸

祐間徙建於此元至正明永樂相次重修

壽國禪寺在府東四十五里宋寶祐間建元至

正中圯明洪武中重修

布金講寺在府西南三十里宋寶元二年建治平二年賜額明天

順成化年重修

妙智講寺在城西南七十里後漢乾祐二年建宋治平中賜今額熙寧四

年修明正統中重建

寶積講寺在城西南七十里後唐清泰元年建舊名總持院宋治平

三年賜四明寶積額建炎間圯乾道三年重建賜翠巖山寶積額

四明講寺在城南二十

里鄧塘鄉舊號鄧水院唐天復元年建宋大中祥符元年賜今額明宣德間重建

灌頂講

寺在城西南七十里舊名頂峯庵宋建隆二年建大中祥符三年賜普淨寺額後改今名燬明

正統年重建

寶華講寺在城東南六十里宋嘉定十三年建明洪武天順年重建

普

光講寺在城南三十五里舊名光化寺後晉開運元年建明正統間重建

國寧講寺在城

西一十五里宋大觀二年建元至正中圯明正統二年重建

金文禪寺在城東南七十里

唐乾寧二年建舊名金文懺院宋治平元年賜金文惠照寺額

天王教寺在城西南五十

里舊名普寧院唐咸通年建宋大中祥符三年賜今額明宣德天順萬曆間相繼重修

延

壽王講寺在城東南六十里後晉天福二年建舊號延壽王院宋熙寧元年增壽聖二字紹興

三十二年改今額後圯明宣德嘉靖間重修

興教寺在城西南五十里舊號小溪興福院

唐咸通八年建宋治平元年賜今額明正統中建

皇清康熙間重建

隱學講寺在城東南四十里唐建中二年建號隱學宋大中祥符元年賜棲

真額後仍名隱學元至正二十五年圯明洪武永樂宣德間相繼重修萬曆間遷寺於山旁

景德講寺在城西三十里宋寶祐元年建後圯明宣德間重建

方廣教寺在城西南三十

五里舊名泗洲院唐咸通十一年建宋治平二年賜今額後圯明正統年間重建大殿

空

相教寺在城西南七十里舊名四明保安院後晉開運二年建宋治平二年賜今額紹興十二

年重建大殿

皇清康熙二十二年新建法堂

定光教寺在城西南六十里唐咸通元年建名定光院宋治平

初賜法忍後改今額明正統中重修

皇清順治十五年復建

東林禪寺在城南三十五里唐天祐十年建宋治平二年賜圓通額後

復今名明洪武宣德正統中重修

治平教寺在城東南三十里後唐清泰二年建名保豐

宋治平元年賜今額明永樂天順嘉靖年重修

白雲禪寺在城東南八十里唐貞觀間建

宋乾德修大中祥符中賜白雲延祥額明正統萬曆崇禎中重建

皇清順治九年重修康熙二十一年重修禪堂

南林教寺在城南三十五里元泰定四年建後

圯明萬曆間重建

青山禪寺在城東三十里後晉天福三年建宋大中祥符三年賜青山

惠安額明洪武間重建

擇陽講寺在城東南五十里後漢乾祐二年重建宋治平元年賜

悟真額後復舊名

明心教寺在城東南三十五里後晉天福五年建名厲山院宋治平二

年改賜今額明隆慶間重修

普安教寺在城南五十里五代梁乾化二年建名茅山院宋

治平元年賜今額元至元十七年重修明永樂正德嘉靖中重修

多寶教寺在城東南八

十五里舊名管江院宋開寶元年建治平二年賜今額

資壽禪寺在城東四十五里元至

正間建明天順嘉靖間復建

阮山教寺在城東九十里舊名阮山庵後漢乾祐二年建宋

熙寧間賜壽聖院額紹興三十二年改賜阮山廣福寺額明洪武中圯嘉靖中重建

資福

教寺在城西南三十里唐光啟二年建光化二年賜名廣學同光四年改名隱學宋咸平三年

改資福大中祥符元年改資壽後仍名資福元泰定中重建明洪武中重修

祥符教寺在

城東南八十六里後晉天福間建明天順萬曆間重修

銀山教寺在城西南七十里唐時

建明萬曆間廢今重修

北林教寺在城南五十里宋治平間建屢圯屢復

月波講寺

在城東五十里又名慈悲普濟宋淳熙五年建明正統十四年重建

皇清康熙間重修

林塘寺在城西三十里宋戶曹林暉建

龍住寺在城西三十五里舊淨

觀廢基

冲虛真觀在城東南大和坊唐天寶二載命天下皆置紫極宮以祀老子至五

代梁改爲真聖觀宋祥符間改天寶元至元間改元妙後燬重建明永樂宣德天順中皆重修

佑聖觀在城西北二里舊名佑聖道院元至治間建後廢明正統萬曆間重修

皇清順治己亥重修

蓬萊觀在城西二十五里廣德湖之望春山

雲濤觀在城西南六十

里他山堰旁宋嘉定十二年賜額

報德觀在城西北半里宋淳祐中建正德七年重修

至德觀在城東三十五里許宋淳祐八年創建

長春道院在縣西南一里許宋淳祐元年

建元至正二十年重修

慈谿縣

普濟教寺在縣東北一里吳赤烏二年建唐大中二年立爲德潤院乾符中勅賜應天德潤額

宋大中祥符元年改賜今額

永明教寺縣西南一里唐儀鳳二年建名大寶院天寶中改

大寶寺宋大中祥符初改賜今額明崇禎七年重修

保國教寺在縣東二十里始建於唐

名靈山寺會昌中廢廣明元年賜保國額宋治平元年改精進院今仍名保國 寶慶講寺

在縣東南三十里宋端拱二年建嘉定十五年賜今額元至正八年重建 觀音講寺在縣

東北二十里唐建名大中觀音院後晉天福中修宋治平初賜補陀教院額建炎間重建至元

中改今額明永樂成化中修

皇清順治十六年重建 蘆山禪寺在縣西南二十五里唐乾元元年建宋治平二年賜額普光

元至元中重建仍曰蘆山寺 五磊禪寺在縣西北四十五里唐文德中名靈山禪院宋大

中祥符初改賜五磊普濟額大聖九年改名五磊明萬曆間重修

皇清順治初重建 香山教寺在縣東三十五里許後周廣德二年卽山麓建寺元改大中香山

寺後改賜額智度 覺林禪寺在縣西四十里唐景福二年建名保德院宋治平初改賜今

額

皇清順治十六年重修 金仙禪寺在縣西北六十里唐乾元二年建名福林寺宋治平二年改

賜今額

皇清順治十四年重修

白龍禪寺在縣東十五里後漢乾祐中建宋建隆中重建號白龍院治

平元年賜額慈化明萬曆四十八年重建

定林禪寺在縣東十五里後晉天福二年建名

峯山院宋天聖五年賜今額

善慶禪寺在縣東南二十里宋淳祐中建名崇孝開慶初改

今額

禪于講寺在縣西南四十里後晉天福八年建宋治平二年改賜吉祥額元大德間

重建明洪武初重建

皇清康熙六年重建

定水禪寺在縣西北五十里唐乾元二年建名清泉宋改曰定水紹興七

年更爲寺嘉靖間廢址尙存

史祥禪寺在縣西北三十里宋崇寧間請廣濟額元至大元

年燬皇慶二年徙建于東墟

五峯講寺在縣西北三十里唐元和中建大中祥符元年改

曰廣福

開壽寺在縣西南四十五里宋寶祐二年建額曰開壽普光寺

支山寺在縣

西南六十里後晉開運初建名支山院宋治平初改賜定慧額

永樂寺在縣西南六十里

龍山東宋淳祐間建名報慈庵景定三年請今額改爲寺明嘉靖中燬萬曆四十八年重建

甘露寺在縣西六十里唐開元二十八年建名上福龍山宋治平二年改名甘露

赭山寺

在縣西南十里周顯德六年建宋治平二年改賜額曰清果明洪武元年重建仍名赭山寺

妙法寺在縣西北十里宋景定二年建咸淳間請今額 吉祥寺二一在縣東北十里唐文

德年間建名壽聖院宋紹興三十二年賜吉祥廣福額淳熙十三年重建一在縣西南五十里

吳赤烏間建 蓮花寺在縣東十五里五代吳越寶正二年建宋治平元年改賜法蓮額元

至正七年燬十六年重建 資西寺在縣西北二十五里桃花嶺之南宋寶祐中建明萬曆

四十七年重修

皇清康熙十二年重建 雲溪寺在縣西南三十里唐光化元年創建名壽聖宋紹興三十二年

改賜廣福額今名雲溪 金繩寺在縣西三十里唐天祐中因華嚴寺故址創建五代吳越

改名護國宋大中祥符中改賜今名 佛蹟寺在縣東北四十里唐天寶元年僧惟寶建曰

佛蹟庵宋治平元年改寶嚴寺後圯明萬曆間重建 鳳巖寺在縣西三十五里唐開成元

年建 資國寺在縣西南六十里唐咸通五年建宋熙寧元年改壽聖紹興三十五年改廣

福 妙峯寺在縣西南六十里宋紹興中建 定香寺在縣西六十里唐天福二年建賜